


# 《大乘起信論導讀》 補充講表

◎附表十二：以下糅合慈舟大師《大乘起信論述記》、寶靜法師《大乘起信論演義》

○復次，覺與不覺，有二種相。云何為二？一者、同相，二者、異相。



◆覺與不覺同體，名同相。覺與不覺各立，名異相。因覺是真，不覺是妄，故二相各異。

※《大乘起信論述記》云：「此三細相，唯一八識生滅心。業相為八識自體，曰：自證分；

轉相為見分，現相為相分，三分唯一識心，如一鏡有鏡體鏡光，及所現之相，亦一而三，三而一也。若離根本無明，則三相皆空，唯一真空本覺，即成二死永亡之佛果矣。」

○言異相者，如種種瓦器，各各不同。如是無漏無明，隨染幻差別，性染幻差別故。

※《大乘起信論述記》云：「如是下，以法合喻，無漏是始本二覺，乃至現報化二身差別，

皆隨翻染所現，故曰：隨染幻差別。根本枝末無明，皆眾生習慣成性，未翻染故曰：性染幻差別。惑業輕即細染污，惑業重即粗染污，故有染幻無明差別也。」

復次生滅因緣者，所謂眾生依心、意、意識轉故。（糅合《大乘起信論述記》）

◆生滅因緣有二：一、真如為因，無明為緣生三細；二、無明為因，境界為緣長六粗。

◆今本論，則心為第八識，意是第七識，意識是第六識，亦兼前五識。

◆第八識之特性：《唯識三十識》云：「恒轉如暴流」。糝合蕩益大師《唯識三十識直解》

「恒」：謂此識無始以來，一類相續，常無間斷。——表俗諦：非斷

「轉」：謂此識無始以來，念念生滅，前後變異。——表真諦：非常

中道

※《大乘起信論裂網疏》卷三云：「生滅雖無自性，全體真如；而真如不變隨緣，舉體成

生滅時，於生滅中，須論因緣，方免邪因及無因過。此則第八與前

七識，互為因果，唯識理成也。眾生者，五蘊和合之假名也。心者，

第八識也。意者，第七識也。意識者，第六識，并前五識也。」

○以依阿黎耶識，說有無明。不覺而起，能見能現，能取境界，起念相續，故說為意。

◆略明識相，即略明五意展轉生起，曰：意轉。不覺而起，是業相；能見，是轉相；能現，

是現相；能取境界，是智相；起念相續，為相續相。此五相，總說不分曰：意。

※《大乘起信論裂網疏》卷三云：「謂阿賴耶識中，法爾有第七識種子，及有根本無明種

子。由無始來，第七與第八識恒俱轉故，第七識與恒行不共無明，定相應故。於一真如無相體上，令心心所，分體分用，分見分相，起諸取著，相似相續，皆以第七識為染污依，故說此第七識名為意也。意者依義，依第七識，方令第八受賴耶名及異熟名；方令前六成有漏義，名染依。若第七識之人我執斷，則第八識捨賴耶名，第六生空智果恒得現前，前五不起諸有漏業。若第七識之法我執斷，則第八識捨異熟名，轉為大圓鏡智相應心品，自亦平等性智恒共相應，第六法空智果恒得現前，前五轉為成事智品，故又名淨依也。」

○一者名為業識，謂無明力不覺心動故。

※《大乘起信論裂網疏》卷三云：「由第七識，恆與法癡相應，不如實知真法一故，令自與第八，無始恒轉，令前六識依之得轉。心實無動，由不覺故，謂之為動。動即是現行轉，現行之體，即自證分，名為業相。是則一切心王心所業相，皆依第七無明而起，名為依他起性，

故直名此第七為業識也。若觀動心即不生滅，即得入真如門。」

◆前面三細六粗，是按相講，都叫做相。此處是按識講，識以了別為意。

○二者、名為轉識，依於動心，能見相故。

※《大乘起信論裂網疏》卷三云：「由第七識恒行不共無明，不如實知真法一故，令諸心

王心所，法爾各有能見境相，名為見分，故直名此第七為轉識也。」

○三者、名為現識，所謂能現一切境界：任運而起，常在前故。

※《大乘起信論裂網疏》卷三云：「由第七識不共無明，不如實知真法一故，令心心所起

現行時，法爾各有所現境界，名為相分。諸心心所之體，猶如明鏡；見分如光，

相分如所現像。若非第七執藏之力，則第八何由幻現三界三類性境。若非第七為

第六不共親依，則第六何由遍現一切假實諸法。若非第七為前五染淨共依，則前

五何由如其五境，對至即現，無有前後，不由功力，故直名此第七為現識也。」

四者、名為智識，謂分別染淨法故。

※《大乘起信論裂網疏》卷三云：「由第七識不共無明，不如實知真法一故，令心心所現行轉時，幻成見相二分。復由第七人我法我二見力故，自既妄執第八見分以為實我實法，成染分別。復為第六識之不共親依，為前五識之染淨依，令前六識，分別染淨諸差別法，故直名此第七為智識。」

◆現識所現四聖六凡淨染等法，乃依他如幻，但以不了幻有，任運分別，而為俱生法執。

○五者名為相續識，以念相應不斷故，住持過去無量世等善惡之業：未來之事，不覺妄慮。

※《大乘起信論裂網疏》卷三云：「由第七識不共無明，不如實知真法一故，於真常中，妄見生滅。又不能知剎那不住，當體寂滅，於生滅中，妄見相續，是故念念內執第八為自我法，令其受熏持種，招異熟果。念念為外六轉識依，令其憶念過去，分別未來。若非第七俱生法執為前六依，則第八識便不受前七熏，持有漏種，以無能熏之前七，即無所熏之第八故；第六識亦不憶念過去，分別未來，以無所依之七八，即無能依之第六故，故直名此第七為相續識也。」